

**BOSNA I HERCEGOVINA  
FEDERACIJA BOSNE I HERCEGOVINE  
JU KANTONALNI CENTAR ZA SOCIJALNI RAD  
Ul. Gatačka br. 80, Sarajevo**

**Broj: 35/X-02-404-750.7/20**

**Datum: 03.06.2020. godine**

Na temelju člana 64. stav (1) tačka b) najniža cijena ponude, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku iz zapisnika o pregledu i ocjeni ponuda broj: 35/X-02-404-750.6/20 od 03.06.2020.godine, u postupku javne nabavke usluga osiguranja lica, imovine i vozila Direktor donosi

**O D L U K U  
O IZBORU NAJPOVOLJNIJEG PONUĐAČA  
-konkurentski zahtjev za dostavu ponuda-**

**Član 1.**

**Prihvata se Zapisnik o pregledu i ocjeni ponuda sa preporukom Komisije za javne nabavke, broj: 35/X-02-404-750.6/20 od 03.06.2020.godine i Ugovor za javnu nabavku usluga osiguranja lica, imovine i vozila dodjeljuje se ponuđaču **SARAJEVO-OSIGURANJE d.d. Sarajevo, ponuda broj: 01-2925/20 od 29.05.2020. godine, za ponuđenu cijenu od 9.400,10 KM bez PDV-a, kao najbolje ocijenjenom ponuđaču nakon završetka e-aukcije.****

**Član 2.**

Prijedlog ugovora o nabavci dostavit će se na potpis izabranom ponuđaču **SARAJEVO-OSIGURANJE d.d. Sarajevo** u roku od 10 dana, računajući od dana od kada su svi ponuđači obavješteni o izboru najpovoljnije ponude.

**Član 3.**

Ova odluka objavit će se na web-stranici [www.kcsr.ba](http://www.kcsr.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

**O b r a z l o ž e n j e:**

Postupak javne nabavke usluga osiguranja lica, imovine i vozila pokrenut je Odlukom o pokretanju postupka javne nabavke broj: 35/X-02-404-750/20 od 20.05.2020. godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je do 10.000,00 KM.

Obavještenje o nabavci broj 230-7-2-44-3-4/20 objavljeno je na portalu javnih nabavki 21.05.2020. godine.

Budući da je u ovom postupku objavljena tenderska dokumentacija u sistemu „E-nabavke“ ugovorni organ uputio je poziv za preuzimanje tenderske dokumentacije u sistemu „E- nabavke“, koji odgovara zahtjevu za dostavu ponuda iz člana 88. Stav 1. ZJN i to sljedećim ponuđačima:

- 1. SARAJEVO OSIGURANJE d.d.**
- 2. WIENER OSIGURANJE ad**
- 3. CROATIA OSIGURANJE d.d.**

Komisija za javnu nabavku imenovana rješenjem broj 35/X-02-404-750.1/20 od 20.05.2020.godine dostavila je dana 03.06.2020.godine Zapisnik o pregledu i ocjeni ponuda broj: 35/X-02-404-750.6/20 od 03.06.2020. godine kojim je konstatovano koje su ponude prihvatljive, te je dostavljen Izvještaj o toku i završetku e-aukcije i obavjest Agencije za Javne nabavke BiH o uspješno okončanoj aukciji i najpovoljnijem ponuđaču nakon završetka e-aukcije.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda **4**.
- da su blagovremeno zaprimljene **4** ponude.
- da su neblagovremeno zaprimljene **0** ponuda.
- da su sve 4 ponude ponuđača. (SARAJEVO OSIGURANJE d.d., ADRIATIC OSIGURANJE d.d., ASA OSIGURANJE d.d. i „OSIGURANJE AURA“ a.d. Filijala Sarajevo) prihvatljive i da mogu učestvovati u e-aukciji.

E-aukcija je zakazana za dan 03.06.2020.godine sa početkom u 12:10 sati i trajanjem od 10 minuta.

U toku e-aukcije nije bilo podnošenja ponuda od strane ponuđača.

Nakon završetka e-aukcije Ugovorni organ je dobio obavjest Agencije za Javnu nabavku BiH o uspješno završenoj e-aukciji i najpovoljnijem ponuđaču nakon završetka e-aukcije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Direktor ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen jer je najpovoljniji ponuđač nakon završetka e-aukcije.

**-Izabrani ponuđač je:**

<b>PODACI O NAJPOVOLJNIJEM PONUĐAČU</b>	
<b>Naziv/ime ponuđača</b>	<b>SARAJEVO-OSIGURANJE d.d.</b>
<b>Adresa</b>	<b>Maršala Tita br. 29, 71000 Sarajevo</b>
<b>ID broj</b>	<b>4200326930001</b>
<b>Ukupna cijena ponude bez PDV-a</b>	<b>9.400,10 KM</b>
<b>Ukupna cijena ponude sa PDV-om</b>	<b>9.400,10 KM</b>

Iz navedenih razloga, primjenom člana 64. stav 1. tačka b) Zakona o javnim nabavkama (kriterij najniža cijena tehnički zadovoljavajuće ponude) i obavjesti Agencije za Javne nabavke BiH, odlučeno je kao u dispozitivu.

Sastavni dio ove odluke je Zapisnik o pregledu i ocjeni ponuda broj 35/X-02-404-750.6/20 od 03.06.2020.godine, Izvještaj o toku i završetku e-aukcije od 03.06.2020.godine i obavještenje o rezultatima postupka.

#### **POUKA O PRAVNOM LIJEKU**

Protiv ove odluke može se izjaviti žalba Ugovornom organu u pisanoj formi, najkasnije u roku od 5 (pet) dana od dana prijema ove odluke. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.



Dostaviti:

- Ponuđačima (x4)
- Arhiva tend. dokument.